

SOALAN LAZIM
PEKELILING PERKHIDMATAN BILANGAN 7 TAHUN 2019
KENAIKAN KADAR BANTUAN SARA HIDUP (BSH)

BIL.	STATUS	KELAYAKAN
Pelaksanaan		
1.	Bagaimanakah kaedah pelaksanaan bayaran BSH kepada pegawai Perkhidmatan Awam Persekutuan?	BSH dibayar mengikut tempat kerja (pejabat) berdasarkan waran perjawatan yang telah diluluskan oleh Kementerian Kewangan. Kadar BSH adalah berbeza mengikut kawasan dan Kumpulan Perkhidmatan mengikut Jadual 1, Pekeliling Perkhidmatan Bilangan 7 Tahun 2019.
Pegawai yang diluluskan Cuti Belajar/kursus Jangka Panjang		
2.	Adakah pegawai yang diluluskan cuti belajar /kursus jangka panjang ¹ di dalam negara layak menerima BSH?	Pegawai layak menerima BSH mengikut lokasi institusi pengajian. Bagi pegawai yang diluluskan cuti belajar/kursus jangka panjang di Sabah/Sarawak/Labuan, kadar BSH adalah mengikut Kawasan A.
Pegawai yang diluluskan Cuti Belajar/kursus Jangka Sederhana/Pendek		
3.	Adakah pegawai yang diluluskan cuti belajar /kursus jangka sederhana ² /pendek ³ (sama ada di dalam dan luar negara) layak menerima BSH?	Pegawai layak menerima BSH mengikut tempat kerja (pejabat) berdasarkan waran perjawatan di mana pegawai ditempatkan.
Pegawai yang diperuntuk Rumah Kerajaan		
4.	Adakah pegawai layak menerima BSH sekiranya pegawai diperuntuk Rumah Kerajaan?	Pegawai layak menerima BSH seperti kadar berikut: a. Rumah Kerajaan dalam lingkungan 25km radius dari tempat kerja (pejabat) dibayar atas kadar separuh daripada kelayakan pegawai; atau b. Rumah Kerajaan melebihi 25km radius dari tempat kerja (pejabat) dibayar atas kadar penuh.
Penentuan jarak 25 kilometer		
5.	Bagaimana jarak 25km ini ditentukan?	Jarak 25km ini merujuk kepada jarak melalui satu garis lurus (radius) di atas peta kerana jarak adalah tetap dan tidak dipengaruhi dengan pembinaan jalan raya baharu.

¹ **Kursus Jangka Panjang** adalah kursus sepenuh masa yang tempohnya melebihi 12 bulan kalendar - Pekeliling Perkhidmatan Bilangan 6 Tahun 2005 (PP6/2005) mengenai Dasar Latihan Sumber Manusia Sektor Awam.

² **Kursus Jangka Sederhana** adalah kursus sepenuh masa yang tempohnya melebihi 3 bulan tetapi tidak melebihi 12 bulan kalendar - PP 6/2005.

³ **Kursus Jangka Pendek** adalah kursus sepenuh masa yang tempohnya tidak melebihi 3 bulan - PP 6/2005.

BIL.	STATUS	KELAYAKAN
Pegawai yang ditempatkan secara pentadbiran		
6.	Bagaimana untuk menentukan kadar BSH bagi pegawai yang ditempatkan secara pentadbiran di sesuatu pejabat?	Pembayaran BSH adalah dibuat berdasarkan tempat kerja pegawai atau institusi pengajian (bagi pegawai yang diluluskan Cuti Belajar dalam negara). Tempat kerja pegawai adalah merujuk kepada waran perjawatan yang telah diluluskan oleh Kementerian Kewangan Malaysia.